

Broj: 20-12516-10/25  
Sarajevo, 24.12.2025. godine

Na osnovu člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 20-12516-8/25 od 22.12.2025. godine, u postupku javne nabavke roba – **Kese za infektivni otpad, JN 141/25**, direktor Javne ustanove Opća bolnica „Prim. dr. Abdulah Nakaš“, donosi

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije broj: 20-12516-8/25 od 22.12.2025. godine, za nabavku roba – **Kese za infektivni otpad, JN 141/25**, te se Okvirni sporazum dodjeljuje ponuđaču D.o.o. „LALA I LAĆO“ Bijeljina, ponuda dostavljena dana 12.12.2025. godine, za ponuđenu cijenu od 39.885,00 KM bez uračunatog PDV-a, odnosno 46.665,45 KM sa uračunatim PDV-om, kao jedinom prihvatljivom ponuđaču na dvogodišnjem nivou.

**Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

**Član 3.**

Nakon prijema i evaluacije ponuda, konstatovano je da je ponudu za predmetnu nabavku dostavio 1 (jedan) kvalifikovani ponuđač, D.o.o. „LALA I LAĆO“ Bijeljina i 1 (jedan) nekvalifikovan ponuđač „MES“ d.o.o. Zenica.

U skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14 i 59/22 i 50/24).

**Član 4.**

Izabrani ponuđač D.o.o. „LALA I LAĆO“ Bijeljina, obavezuje se da dostavi dokumenta iz člana 45. Zakona o javnim nabavkama na prtokol Ugovornog organa, u roku od 10 (deset) dana od dana prijem obavještenja o rezultatima postupka.

**Član 5.**

Prijedlog Okvirni sporazuma dostavit će se na potpis izabranom ponuđaču nakon isteka roka za žalbu, a najkasnije u roku od deset (10) dana, računajući od dana prijema Odluke ugovornog organa o izboru najpovoljnijeg ponuđača.

## **Član 6.**

Ova Odluka stupa na snagu danom donošenja i objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav. 6), a u vezi sa članom 71. stav 2) Zakona o javnim nabavkama (Sl. Glasnik BiH broj: 39/14 i 59/22 i 50/24).

### ***Obrazloženje***

Postupak javne nabavke pokrenut je Odlukom o pokretanju postupka javne nabavke broj: 20-12516-1/25 od 09.10.2025. godine. Komisija za nabavku, imenovana je Rješenjem broj: 20-12516-2/25 od 09.10.2025. godine.

Javna nabavka je sprovedena putem konkurentskog zahtjeva za dostavu ponuda, JN 141/25.

Procijenjena vrijednost iznosila je 40.000,00 KM bez uračunatog PDV-a, na dvogodišnjem nivou.

Obavještenje o nabavci broj: 1125-7-1-449-3-486/25 objavljeno je na portalu Agencije za javne nabavke dana 24.11.2025. godine, a u „Službenom glasniku BiH“ br. 71/25 dana 28.11.2025. godine.

Komisija za javnu nabavku u postupku predmetne nabavke roba, dostavila je direktoru Javne ustanove Opća bolnica „prim. dr. Abdulah Nakaš“, Zapisnik o pregledu i ocjeni ponuda broj: 20-12516-7/25 od 22.12.2025. godine, Preporuku o izboru najpovoljnijeg ponuđača broj: 20-12516-8/25 od 22.12.2025. godine i Izvještaj o radu broj: 20-12516-9/25 od 22.12.2025. godine

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 2 ponude,
- da su blagovremeno primljena 2 ponude,
- da nije bilo neblagovremeno primljenih ponuda,
- da je ponuda ponuđača „MES“ d.o.o. Zenica neprihvatljiva

**- Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:**

Ponuda ponuđača „MES“ d.o.o. Zenica odbacuje se kao neprihvatljiva u skladu sa odredbama člana 2. stav (1) tačka 1) podtačka 2) Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), jer ne ispunjava kriterijume za kvalifikaciju, tj. Ponuđač u Izjavi o ispunjenosti uslova iz člana 45. stav (1) tačke od a) do d) Zakona o javnim nabavkama BiH – Aneks 3. kao i u pismenoj Izjavi iz člana 52. Zakona o javnim nabavkama – Aneks 4. nije naveo mjesto i datum davanja izjave kako je traženo i navedeno u pomenutim Aneksima.

**Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:**



U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava  
Stručni saradnik za javne nabavke

Kontrolisala:

Aldijana Ećo Ajković, prava  
Šef Odsjeka za javne nabavke



**DIREKTOR**

**Prof.dr. Ismet Gavrankapetanović**

**Dostaviti:**

- [j.nabavke@lalailaco.com](mailto:j.nabavke@lalailaco.com)
- [info@mes.ba](mailto:info@mes.ba)
- Odjeljenje za higijensko – epidemiološki nadzor
- Odsjek za javne nabavke
- Odjeljenje za ekonomsko finansijske poslove